



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

Na osnovu člana 6. Zakona o javnim priznanjima Kantona Sarajevo („Službene novine Kantona Sarajevo“, – Prečišćen tekst broj 2/10), Skupština Kantona Sarajevo na sjednici održanoj dana, donijela je

**PRIJEDLOG**

**ODLUKU**

**O VERIFIKACIJI ODLUKE O DODJELI PLAKETE KANTONA SARAJEVO**

**I**

Skupština Kantona Sarajevo verifikuje Odluku o dodjeli Plakete Kantona Sarajevo, gospodinu **Marku Vešoviću**, posthumno, kao priznanje za nemjerljiv doprinos književnosti, obrazovanju i kulturnom identitetu Sarajeva.

**II**

Ova odluka objavit će se u „Službenim novinama Kantona Sarajevo“.

Broj:

**SARAJEVO**

**PREDSJEDAVAJUĆI  
SKUPŠTINE KANTONA SARAJEVO**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

8/16



Bosnia and Herzegovina  
Federation of Bosnia and Herzegovina

**CANTON SARAJEVO  
ASSEMBLY**

**Odbor za javna priznanja  
Kantona Sarajevo**

Broj:01-04-4176-5/25  
Sarajevo, 03.04.2025.godine

Na osnovu člana 4.stava 1. i 3. i člana 6. stav 1 Zakona o javnim priznanjima Kantona Sarajevo, ("Službene novine Kantona Sarajevo broj 2/10-Novi prečišćeni tekst"), Odbor za javna priznanja Kantona Sarajevo, na sjednici održanoj dana 03.04.2025.godine, donio je jednoglasno

**ODLUKU  
O DODJELI PLAKETE  
KANTONA SARAJEVO**

**I**

**Gospodinu Marku Vešoviću**, dodjeljuje se Plaketa Kantona Sarajevo, posthumno, kao priznanje za nemjerljiv doprinos književnosti, obrazovanju i kulturnom identitetu Sarajeva.

**II**

Ova odluka dostavlja se Skupštini Kantona Sarajevo na verifikaciju.

**PREDSJEDAVAJUĆI ODBORA**

**Elvedin Okerić**



web: <http://skupstina.ks.gov.ba>  
e-mail: [skupstina@skupstina.ks.gov.ba](mailto:skupstina@skupstina.ks.gov.ba)  
Tel: + 387 (0) 33 562-055,  
Fax: + 387 (0) 33 562-210  
Sarajevo, Reisa Džemaludina Čauševića 1

9/15

## **Kandidature za Plaketu Kantona Sarajevo, posthumno**

### **Prijedlog: Marko Vešović**

Marko Vešović (1945-2023) bio je jedan od najistaknutijih književnika, esejista, prevodilaca i profesora koji su obilježili intelektualni i kulturni život Sarajeva. Njegov književni opus i profesorski rad ostavili su neizbrisiv trag u bosanskohercegovačkoj i južnoslavenskoj književnosti, dok je njegov glas tokom opsade Sarajeva bio glas istine i otpora zlu. Ostavio se iza sebe bogat pjesnički i esejistički književni opus. Kao pjesnik, Marko Vešović autor je jedne od najznačajnijih poetskih zbirki našeg vremena, Poljska konjica, u kojoj je spojio snagu emocije, ironiju i prepoznatljiv stil, čime se izdvojio kao jedan od najoriginalnijih pjesnika regiona. Njegovo majstorstvo jezika, sposobnost da jednostavnim riječima stvori duboku i slojevitlu liriku, svrstava ga među najvažnije autore suvremene poezije. Njegov prozni i esejistički rad, naročito knjiga Smrt je majstor iz Srbije, ostaje jedno od najsnažnijih književnih svjedočanstava opsade Sarajeva - djelo koje beskompromisno govori o ratu, stradanju i ljudskom dostojanstvu u vremenu zla. Kao profesor na Filozofskom fakultetu u Sarajevu, Marko Vešović bio je omiljen i poštovan među studentima. Njegove predavačke metode, britki humor, enciklopedijsko znanje i neiscrpna posvećenost književnosti oblikovali su generacije mladih ljudi, usmjeravajući ih ne samo prema umjetnosti riječi već i prema kritičkom promišljanju svijeta. Njegova strast za književnošću ostavila je dubok trag na sve koji su imali privilegiju učiti od njega. U najtežim danima opsade Sarajeva, Marko Vešović nije napustio svoj grad. Njegov glas bio je glas otpora, a njegova riječ oružje protiv laži i poricanja. Kroz novinske tekstove, eseje i javne istupe, uporno je razotkrivao narative agresora i branio istinu o opsadi, istovremeno nudeći duhovnu i moralnu snagu svojim sugrađanima. Bio je jedan od simbola duhovnog otpora Sarajeva. Njegova angažirana književnost i beskompromisna borba za istinu učinili su ga jednim od ključnih bosanskohercegovačkih intelektualaca svog vremena. Marko Vešović bio je pjesnik Sarajeva, ali i aktivni akter i svjedok epohe. Njegov doprinos književnosti, obrazovanju i kulturi zaslužuje da bude trajno prepoznat, a nagrada Kantona Sarajevo predstavlja simboličan čin zahvalnosti za sve što je dao svome gradu i njegovim ljudima. Stoga, predlažemo da se Marku Vešoviću posthumno dodijeli nagrada Kantona Sarajevo za izuzetan doprinos književnosti, obrazovanju i kulturnom identitetu Sarajeva.

**KLUB ZASTUPNIKA SDP U SKUPŠTINI KANTONA SARAJEVO**